



Broj: 07-11-1183/24
Vogošća, 10.09.2024. godine

Na osnovu člana 70. i člana 111. stav 13. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Rješenja Ureda za razmatranje žalbi BiH-Filijala Mostar broj: JN2-03-07-1-2119-8/24 od 05.09.2024. godine i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15, 9/20 i 23/24), Općinski načelnik dana 10.09.2024. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA SANACIJI
LOKALNIH PUTEVA U ULICAMA KRČ, NEBOČAJ (SA IZGRADNJOM AB ZIDA UZ
PRAVOSLAVNO GROBLJE), KRIVOGLAVCI I I PJEŠAČKE STAZE U ULICI SVRAKE IV

Član 1.

Ponuda ponuđača "Ado trans" d.o.o. Visoko, ulica Očazi bb Visoko, odabrana je za izvođenje radova na sanaciji lokalnih puteva u ulicama Krč, Nebočaj (sa izgradnjom AB zida uz pravoslavno groblje), Krivoglavci I i pješačke staze u ulici Svrake IV, kao jedina pristigla ponuda, sa ponuđenom ukupnom cijenom nabavke u iznosu od 319.551,17 KM bez uračunatog PDV-a, odnosno 373.874,87 KM sa uračunatim PDV-om.

Član 2.

Ovom Odlukom stavlja se van snage Odluka o poništenju postupka javne nabavke broj: 07-11-1183/24 od 04.07.2024. godine.

Član 3.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 10.06.2024. godine donio Odluku o pokretanju Otvorenog postupka nabavke radova na sanaciji lokalnih puteva u ulicama Krč, Nebočaj (sa izgradnjom AB zida uz pravoslavno groblje), Krivoglavci I i pješačke staze u ulici Svrake IV, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.06.2024. godine pod brojem: 1353-1-3-122-3-91/24.

Sažetak Obavještenja o nabavci objavljen je u "Službenom glasniku BiH" broj: 41/24 od 14.06.2024. godine.

Nakon provedene Zakonom propisane procedure, dana 04.07.2024. godine Općina Vogošća kao ugovorni organ je donijela Odluku o poništenju postupka nabavke broj: 07-11-1183/24, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Na predmetnu Odluku izjavljena je žalba od strane ponuđača "Ado trans" d.o.o. Visoko dana 11.07.2024. godine.

Ured za razmatranje žalbi BiH-Filijala Mostar, rješavajući po žalbi Žalitelja "Ado trans" d.o.o. Visoko je dana 05.09.2024. godine donio Rješenje broj: JN2-03-07-1-2119-8/24, kojim se usvaja žalba Žalitelja "Ado trans" d.o.o. Visoko i poništava Odluka o poništenju postupka javne nabavke broj: 07-11-1183/24 od 04.07.2024. godine, te predmet vraća ugovornom organu na ponovni postupak.

U obrazloženju osnovanosti žalbe URŽ BiH-Filijala Mostar u svom Rješenju broj: JN2-03-07-1-2119-8/24 od 05.09.2024. godine (strana 9 Rješenja) navodi sljedeće:

"Uvidom u ponudu žalitelja utvrđeno je kako u sklopu iste nije dostavljena Izjava na obrascu ponuditelja da ima u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova, međutim u sklopu ponude dostavljen je Izvod iz osnovne knjige sredstava-inventurna lista u kojoj je navedena sva građevinska mehanizacija i oprema potrebna za izvođenje predmeta nabave (str. 77-80), te su u prilogu iste dostavljene Prometne i Upotrebne dozvole za svu mehanizaciju pobrojano u Inventurnoj listi (str. 81-90).

Na temelju navedenog ovo tijelo smatra da postupak javnih nabava ima formu koja je propisana ZJN i podzakonskim aktima, te ponudu treba promatrati kao jedinstven kvalifikacijski dokument, koji omogućava potencijalnim ponuditeljima natjecanje u postupcima javnih nabava, stoga bi ponudu činilo neprihvatljivom ako je u sastavu iste propušteno dostavljanje točno propisanog akta ili dokaza koji je propisan Zakonom, podzakonskim aktima i tenderskom dokumentacijom, ali na odbacivanje ponude ne smije da utiče određen propust, ako se iz sadržaja cjelokupne ponude može jasno i nedvosmisleno utvrditi da ponuditelj ispunjava suštinski uvjete potrebne za ispunjenje predmeta nabave.

Odnosno ugovorno tijelo je kao dokaz tehničke i profesionalne sposobnosti u postupku javne nabave radova zahtijevalo posjedovanje građevinske mehanizacije i opreme neophodne za izvršenje predmetnih radova, te dostavljanje Izjave kojom potvrđuje da se posjeduje navedeno sa ovjerenim popisom sredstava rada i opreme ili inventurnom listom ili ugovorom o najmu. Dakle kako iz navedene formulacije proizilazi Izjava ima deklaratoran karakter čija se istinitost utvrđuje dostavljanjem ovjerenog popisa sredstava rada i opreme ili inventurnom listom ili ugovorom o najmu, odnosno predstavlja samo formalni akt čiju vjerodostojnost potvrđuju priložena Inventurna lista i prometne i upotrebne dozvole.

Dakle, žalitelj je propustio dostaviti Izjavu, ali je u sklopu ponude dostavio sve dokaze iz kojih se može neosporno utvrditi posjedovanje građevinske mehanizacije i opreme neophodne za rad, kao i prometne i upotrebne dozvole za svu pobrojano mehanizaciju.

Stoga na temelju navedenog, ovo tijelo utvrđuje kako je ponuditelj dostavio ponudu sa svim potrebnim dokazima, a propust ne dostavljanja Izjave kojom se potvrđuje dostavljeno, nije od suštinskog utjecaja na prihvatljivost ponude budući da je ista podnesena u skladu sa člankom 51. stavak 1. točka e) ZJN, te se ovaj žalbeni navod usvaja kao **utemeljen**".

Na osnovu iznesenog, a uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-2119-8/24 od 05.09.2024. godine Komisija za javne nabavke je utvrdila da Ponuda ponuđača "Ado trans" d.o.o. Visoko ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Dakle, uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Ado trans" d.o.o. Visoko ispunjava formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristigle ponude, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15)

Iz navedenih razloga, uz uvažavanje argumenata iz Rješenja Ureda za razmatranje žalbi BiH-Filijala Mostar broj: JN2-03-07-1-2119-8/24 od 05.09.2024. godine, a primjenom člana 64. stav 1. tačka b) i člana 111. stav 13. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ado trans" d.o.o. Visoko, za izvođenje radova na sanaciji lokalnih puteva u ulicama Krč, Nebočaj (sa izgradnjom AB zida uz pravoslavno groblje), Krivoglavci I i pješačke staze u ulici Svrake IV, kao jedine pristigle ponude, sa ponuđenom ukupnom cijenom nabavke u iznosu od 319.551,17 KM bez uračunatog PDV-a, odnosno 373.874,87 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura
Mirza Čutura

Kontrolisala po Ovlaštenju Općinskog načelnika
Rukovodilac Stručne službe za poslove
Općinskog vijeća i Općinskog načelnika: Mahira Čolić

Mahira Čolić

OPĆINSKI NAČELNIK
Migdad Hasanović
Migdad Hasanović

Dostavljeno:

1. "Ado trans" d.o.o. Visoko
2. Nadležnoj Službi
3. U dosije
4. a/a

adotrans@gmail.com